

Universitätsbibliothek Paderborn

**Assertionvm Theologicarvm Sfortiae Pallavicini Sacræ
Theologiæ Professoris in Collegio Romano Societatis Iesv.
Libri Qvinque**

Pallavicino, Sforza

Romæ, 1649

Cap. 4. De obligatione requisita ad exercitium iustitiæ commutatiuæ: vbi quomodo, sit actus iustitiæ anticipata solutio, non verò iterata.

urn:nbn:de:hbz:466:1-39069

52 VI *Liber Quartus*

inductæ sunt præscriptiones ,
per quas dominus legitimus
priuatur suo dominio etiam si-
ne sua culpa.

C A P V T I V .

*De obligatione requisita ad exer-
citium Iustitiæ commutatiæ:
ubi quomodo, sit actus iustitiae
anticipata solutio; non verò ite-
rata.*

33 **I**ustitia eommutatiua
non supponit obliga-
tionem ità rigorosam , vt si ab-
stineam ab actione peccē . Non
satis id probatur, quia debitor,
si anticipet solutionem, exercet
actum iustitiæ, & tamen si tunc
non soluat, non peccat . Nā re-
sponsio in prōptu est; verè enim
tene-

tenetur tunc soluere quamuis non determinatè, sed disiunctiūe hoc est, vel tunc, vel post, dummodo intra tale tempus, ex. gr. intra mensem. Si enim debitor non teneretur ad soluendum sub hac disiunctione, posset creditor solutionem anticipatam recusare; sicut is, cui debetur canis, potest recusare equum meliorem cane, & majoris valoris. At non potest creditor recusare anticipatam solutionem, quia in obligatione disiunctiva electio est debitoris; qui tamen, postquam debito satisfecit per vnam partem disiuncti, non potest illam repetere, & velle satisfacere per aliam: & ideo debitor qui anticipatè soluit, nō potest postea repetere, & velle soluere.

C 3 in

in fine temporis constituti. Ad actum Iustitiae requiritur obligatio perseverans, præscindendo ab humana ignorantia; unde qui semel soluit debitum, non potest ex motu Iustitiae solvere per secundam solutionem; alioquin is, qui semel debuit obolum alteri, posset ex motu iustitiae dare illi totum aurum mundi, iterum & iterum solvendo idem debitum. Ratio vero à priori est, quia non potest fieri ex motu Iustitiae, vel alterius virtutis illa actio, quæ nullo modo promouet illius virtutis finem: secunda vero solutio non promouet æqualitatem, quæ finis est iustitiae. Ex hac ratione à priori infertur, quod supposita humana ignorantia, potest quis ex motu Iustitiae satisf-

De Iustitia, &c. Cap. IV. 55
satisfacere per secundam solu-
tionem debiti in casu, in quo
dubitetur an satisficerit pet pri-
mam solutionem. Iustitiae enim
finis est solutio perfecta, adeoq;
certa. Ex eadē ratione potest
quis soluere ex motiuo Iustitiae
in circūstantijs, in quibus nō te-
netur, ex eò quod soluere non
possit sine magno incōmodo.

34 Ulterius etiam infertur
posse aliquem ex motiuo Iusti-
tiae soluere pecuniam pro abscis-
sione brachij iniuste à se facta :
licet enim non teneatur ad re-
stituendum brachium, quia nō
potest, nec ad dandam pecu-
niā, propter rationes inferiūs
explicandas; tamen quia ma-
ior est inæqualitas si Iesus nihil
accipiat, quam si accipiat pe-
cuniam; potest aliquis ex affe-

C 4 Etu

Ad
oli-
en-
vn-
nō
ue.
L;
o.
uo
n
en-
erò
fe.
te-
ul-
tu-
tio
-,
ac
od
a,
iæ

56 *Liber Quartus*

Etū Iustitiæ , hoc est minuendū
inæqualitatem, dare pecuniam
quāuisenim pecunia nō habeat
proportionem partis aliquotæ
cum brachio, tamen magis di-
stat à bono statu, in quo erat is
qui caret brachio, & non acce-
pit pecuniam , quam qui caret
brachio, & accepit pecuniam .
Sicut ex.g. si abstulissem super-
ficiem (finge hunc casum, non
tanquam possibilem, sed tan-
quam aptum ad explicandum)
carentem lineis, & non possem
reddere nisi lineā, possem hanc
reddere ex motu Iustitię, quia
magis distat à nihilo qui caret
linea, & superficie, quam qui
habet lineam , quamvis caren-
tem omni proportione cum su-
perficie .

35 Ex eadē ratione à prio-
ri

ri infertur disparitas inter Iustitiam, aliasque virtutes; licet enim possit quis, postquam fecit id, ad quod obligatur ex temperantia, facere aliquid plus ex motu temperantiae, quod idem valet de obedientia, alijsque virtutibus; tamen post quam satisfecit debito Iustitiae, non potest facere aliquid plus. Ratio est, quia etiam post quam satisfecit debito temperantiae, si relinquat aliquid cibi promouet finem temperantiae. Sed post quam satisfecit debito Iustitiae, & posuit perfectam aequalitatem, si ponat aliquid plus, non promouet aequalitatem, quae est finis Iustitiae; ergo, &c. Hinc vero retorquetur argumentum, quod aduersarij faciunt, ut in dicimus, ex paritate aliarum

58 *Liber Quartus*

virtutum; quia sicut qui perse-
ctè asscutus est finem tempe-
rantiae in moderatione cibi, nō
potest ex motu temperantiae
adhuc plus cibi relinquere, sic
in casu nostro.

36. Confessio tamen Sa-
cramentalis iterata eiusdem pec-
cati est licita, & utilis, quam-
uis peccatum illud fuerit remis-
sum in prima confessione. Cùm
enim virtus pœnitentiæ sit in-
stituta ut homo per humilia-
tionem erga Deum semel of-
fensum recipiat utilitatem ab
ipsis peccatis, & arctiori vincu-
lo amicitiae vniatur Deo per
gratiam ex natura sua deleti-
uam peccatorum, patet, itera-
tam confessionem non esse
inutilem ad finem huius virtu-
tis, sicut iterata solutio est om-
nia in d

ninò frustratoria in ordine ad finem iustitiæ. Neque in iterata confessione falsificatur forma Sacramenti, cum Sacerdos absoluit à peccatis, quorum vincula iam sunt soluta per primā confessionē: sic enim ille, qui iā condonauit iniuriam, nō mentitur si iterum, & tertio dicat *condono*; quia iterum se obligat ad non exigendum aliquid, quod cum aliquando potuerit exigere, non exegit. Cuius ratio à priori est, quia *condonare*, *remittere*, & *absoluere*, significat obligationem non vtedi aliquo titulo, qui non habuit suū effectum. Cum ergo Deus per secundam absolutionem se liberaliter obliget ad non vtediūm titulo puniendi, qui non habuit suum effectum, verè se-

cundò cōdonat, remittitq. peccata, & ab ijs absoluit. At per primam solutionem titulus iustitiæ iam habuit suum effectū, & est adimpletus; ergo secunda solutio nō est actus iustitiæ. Dicere enim *absoluo, condono, &c.* supponunt quidem pro sui veritate obligationem præcedentem; item supponunt huic obligationi non fuisse satisfactū per illam actionem physicam, ad quam debitor obligabatur. Nam idem est dicere *condono*, ac dicere: *sum contentus, ut tu non facias id, ad quod faciendum fuisti obligatus erga me.* Id verò esset falsum si debitor iam fecisset totum id, ad quod obligabatur. Non tamen hæc verba, *absoluo condono, &c.* significant: *sum contentus ut non facias id, ad quod*

De Iustia, &c. Cap IV. 61
quod actu erga me obligaris, ut
patet ex usu reiterabili istorum
nominum in commercio hu-
mano, ex quo usu constat vo-
cabulorum significatio: Sed si-
gnificant; sum contentus, ut non
facias id, ad quod faciendum erga
me obligabar, & quod non feci-
sti, præscindendo ab hoc, quod an-
tea habuerim hanc eandem vo-
luntatem deletiuam tue obliga-
tionis, vel non habuerim. Quod
autem ea verba significant, de-
bitorem non præstitisse id, ad
quod re ipsa tenebatur: constat
pariter ex usu loquendi: nemo
enim dicit: condono tibi illud de-
bitum, quod mibi soluisti.

CA.